

述于山

皇朝史畧

六

明倫彙編 家範典

卷一百一十五
家範典
記
210-8

皇朝史畧
卷一百一十五
家範典
記

210-8
A 58

皇朝史略卷之十

水府史臣青山延于著

男

延光校

後醍醐天皇諱尊治後宇多帝第二子也母談天門院
藤原師德治三年立為皇太子是受禪○三月立皇
姪邦良親王為皇太子增○夏六月左大臣藤原經平
薨○秋八月內大臣藤原公茂薨○以前內大臣藤原
實重為太政大臣前右大臣藤原實泰為左大臣權大
納言藤原家定為右大臣權大納言藤原內經為內大

圖書 和圖書 遡



a 1 3 8 0 3 2 3 6 8 0 a

福岡教育大学蔵書

臣家定通教之_子內經內實之子也○冬十二月關白
道平罷以內大臣藤原內經為關白○元應元年夏四
月右大臣藤原家定罷○六月關白內經罷內大臣以
前權大納言源有房為內大臣有房通光之孫也○秋
七月有房薨○閏月以權大納言藤原房實為右大臣
前大納言源通重為內大臣通重通賴之子也○冬十
月太政大臣實重內大臣源通重並罷以前內大臣源
通雄為太政大臣大納言藤原師信為內大臣師信師
繼之子也公卿補任○二年夏四月前權大納言藤原為世

上續千載和歌集增鏡○秋七月前攝政左大臣師教薨

○元亨元年春二月前右大臣藤原公顯薨○秋九月

前內大臣源通重薨○冬十一月內大臣藤原師信薨

補任○十二月初後宇多法皇聽政院中至是還政增鏡始

置記錄所親自聽訟正統記太平記廢諸新關但大津葛葉二

關依舊置之太平記帝留意政事夙興夜寐孜孜圖治正統

記常與儒臣討論經史增鏡時法印玄慧才學冠世太平記

帝召侍讀玄慧尊信程顥程頤朱熹之學先是經筵專

用漢唐諸儒註疏至是玄慧始倡程朱之說云尺素往來○

二年夏六月以大納言藤原冬氏為內大臣冬氏信嗣之孫也○秋八月冬氏罷○左大臣藤原實泰罷以右大臣藤原房實為左大臣大納言藤原兼季為右大臣權大納言藤原冬教為內大臣兼季實兼之子冬教冬平之子也補仕○九月前太政大臣實兼薨常樂記○三年春三月關白內經罷以左大臣藤原房實為關白○夏五月太政大臣通雄罷○六月關白房實罷左大臣以前左大臣藤原實泰為左大臣○秋七月右大臣藤原兼季罷○冬十一月以前關白冬平為太政大臣補仕○

正中元年春正月前內大臣藤原公茂薨常樂記夏四月以內大臣藤原冬教為左大臣權大納言藤原經忠為右大臣大納言藤原實衡為內大臣增鏡經忠內經之子實衡公衡之子也○五月前關白左大臣家平薨常樂記○六月後宇多法皇崩壽五十八增鏡○秋八月前內大臣藤原冬氏薨常樂記○九月初帝怒關東專權密圖討之引中納言藤原資朝藏人頭本書作藏人今藤原俊基參謀議二人竊裝為修驗者游歷海西關東觀察風俗要害資朝為修驗者增鏡時美濃人土岐賴貞多治見國

長有勇名會來居京師資朝欲引為同謀乃与俊基及
大納言藤原師賢中納言藤原隆資左衛門尉藤原實
世僧濤雅玄基武人足助重範等數延賴貞國長深相
結納每會皆露髻散髮坐無位次令婦女二十餘人著
單紗衣行酒名為無礼講宴語款款熟竟以計告之賴貞
等傾心相謀既而事泄至是北條高時遣兵襲賴貞國
長殺之本書為元德元年今從增鏡保曆間訃拘致資
朝俊基于鎌倉按本書為五月今出川山源院南都本
事補任俊轉問不服高時怒甚將議廢帝帝欲紓其患
基雖年月轉問不服高時怒甚將議廢帝帝欲紓其患

遣中納言藤原宣房賜誓書於高時事由此得釋太平

○冬十二月以太政大臣冬平為閑白○二年冬十二

月前閑白內經薨補○參議藤原為定上續後拾遺和

歌集增是歲北條高時流中納言藤原資朝於佐渡釋

藏人頭藤原俊基還京師補○嘉曆元年春三月皇太

子邦良薨增○鎌倉執權北條高時罷時高時嬰疾危

篤長崎高資勸罷執權高時從之薙髮號崇鑑高資以

素与金澤貞顯相善援以代之高時弟泰家憤恚薙髮

高時疾瘳大怒將殺貞顯貞顯懼亦薙髮不出視事高

資又以已意推高時族守時為執權衆益不服

保曆間記

時為人舉止無度特以宗嫡襲職

增鏡保曆間記

始委政於妻

父秋田時顯及內管領長崎圓喜二人協心戮力一遵

泰時約束頗稱無事及圓喜告老使其子高資代之高

資乘主昏闇恣作威福專行胸臆無所忌憚海內怨憤

衆情日離高時昏亂滋甚日夜以酣飲為事性好鬪狗

索諸將吏家及課百姓出以充租賦遠近競獻積至數

千頭厭以梁肉載以藍輿役民舁之道路遇者下馬俯

伏每月十二次分明鬪之召會諸將觀以為樂群吠狺

信震地如爭尸者聞者皆患之京師有田樂戲盛行高

時多召優人付諸將各養一人每讌飾進作戲自高時

已下競解衣裳以為纏頭積成丘堆其費不貲時人皆

知其不終焉

太平記

○秋七月立量仁親王為皇太子

皇初太子邦良之薨也帝欲擇諸皇子立之此條高時

固執兩宗迭立之議遂立後伏見皇子量仁為太子

增鏡

帝遣使鎌倉諭之曰後深草子孫世襲長講堂領又續

大統而朕禪位之後無封邑以充供給互以長講堂領

屬朕也高時竟不奉詔帝益憤恚

論梅松

○冬十月內大

臣藤原實衡補○前征夷大將軍惟康親王薨常樂

○十一月以權大納言藤原基嗣為內大臣基嗣經平

之子也○前內大臣藤原實衡薨○二年春正月關白

太政大臣冬平薨○二月以前關白道平為關白○三

月前關白左大臣房實薨補○夏六月初陸奧人藤原

季長與其族五郎爭事相訴長崎高資兩納其賂久而

不決二人遂相攻擊至是高時遣兵討之無功保曆間

書係元亨二年○秋八月前左大臣藤原實泰薨補○

三年冬十月前征夷大將軍久明親王薨常樂○十二

月以尊雲法親王為延曆寺座主天台座主親王上第三

子也天姿穎敏為上所鍾愛太子之薨上屬意親王而

北條高時立量仁親王為太子故親王不得立遂往黎

下為僧至是補座主居大塔因稱大塔宮上深惡高時

擅權每欲除之是歲勅修延曆寺大講堂已成上親臨

慶之以親王為祝願師蓋欲結僧徒之心藉其力以除

北條氏親王与贊密謀遂廢請讀專習武技趨捷絕倫

頗通韜略太平○元德元年夏六月前太政大臣實重

薨系○冬十二月前太政大臣通雄薨○二年春正月

皇朝史畧 卷之十一

關白道平罷以右大臣藤原經忠為關白補○二月經忠罷右大臣歷代皇記以內大臣藤原基嗣為右大臣權大納言源長通為內大臣長通通雄之子也○三月長通罷大納言藤原公賢為內大臣公賢實泰之子也補○夏四月盜殺大判事中原章房時帝圖討北條高時密召章房謀之章房固諫帝忍語泄陰命參議平成輔圖之時有瀨尾兵衛太郎者居雲居寺傍以俠聞成輔暗之以利伺章房出刺殺之

外史氏曰藤原公繼諫後鳥羽帝帝雖不納猶

優容之中原章房諫後醍醐帝而帝殺之則

帝之拒諫抑又甚焉然其致此一帝一轍而帝

能復位其故何哉蓋方承久之時義時秉柄輔以泰

時上下輯睦士庶歸心元弘之時高時叱逆人心離

叛海內思亂此其成敗所以異也

後其子章信殺兵衛太郎以復父讎

鳥津家本今川家本金勝院本太平

記○五月初帝專尊尊雲法親王議東伐之計益急又

召僧圓觀文觀等於禁內咒詛北條高時至是高時遣兵執致圓觀文觀忠圓等於鎌倉鞠問首服秋七月高

時流文觀于疏黃鳥忠圖于越後拘圓觀于陸奧太平記

○八月閔白經忠罷以左大臣藤原冬教為閔白○元

弘元年春正月冬教罷左大臣○二月內大臣藤原公

賢罷以右大臣藤原基嗣為左大臣前內大臣源長通

為右大臣前大納言藤原季衡為內大臣季衡公衡之子也

○秋七月諸國地大震富士山崩數百丈太平記

○六波羅遣兵執右中辨藤原俊基送于鎌倉太平記

元年事設令從辨官補任增會後伏見法皇遣使於鎌倉具告朝廷之謀高時乃會諸將問計衆相視不敢言

獨長崎高資進曰前者主君不果廢立所以貽此患也

為今之計宜速遷車駕於邊裔流竄尊雲親王執朝臣

預謀者處之刑事乃定矣二階堂貞藤諫曰國權東移殆百六十年矣

按自治承至此百四十年以日六十誤孫者無它故焉以輸忠於天朝而布德於下民也今拘

廷臣流僧徒此為已甚而又廢天子寶座主神怒人怨

取敗在近且使我兵威盛彊雖朝廷圖我誰敢爭之古

曰君雖不君臣不可以不臣臣益効臣節靡怠則天威亦安得不霽哉

高資作色曰文武之道緩急異用承久

亦安得不霽哉高資作色曰文武之道緩急異用承久

亦安得不霽哉高資作色曰文武之道緩急異用承久

亦安得不霽哉高資作色曰文武之道緩急異用承久

亦安得不霽哉高資作色曰文武之道緩急異用承久

之事主君所宜法也。今而不決，噬臍何及矣。高時深然。

其言決意圖廢立。八月，高時遣二階堂貞藤等率兵三

千至京師。

遣二階堂貞藤、堀毛利家奉天正本太平記。

尊雲法親王諜知其

謀，其夜馳使奏曰：「高時遣兵將遷乘輿于絕島，誅臣尊

雲陛下，豈乘夜潛幸南都使近臣詭稱陛下而至本寺，

聲言車駕避賊，賊聞之必盡銳來攻。則本寺僧徒當力

戰距之，延及數日，官軍稍集，則殲賊必矣。今禁旅未集，

城壁未成，而賊兵奄至，將何以距之？國家安危在此一

舉。願陛下速用臣計，不然則大事去矣。」時大納言藤原

師賢中納言藤原藤房及弟季房宿直，帝召与議。藤房

曰：「事已如此，宜急出宮，裝車如婦人，所乘載帝及神器，

詐稱中宮如北山第出陽明門，北至三條河原，中納言

源具行、大納言藤原公敏、左近衛少將源忠顯等追至，

帝更御竹輿，大膳大夫重康

姓綱

樂工豐原兼秋隨身，秦

久武等昇之，赴南都。遂幸笠置寺，使師賢乘御輿赴延

曆寺，以綴賊兵。六波羅鎮將北條仲時聞車駕幸延曆

寺，遣兵攻之。尊澄法親王、尊雲法親王督僧徒距戰，破

之於辛崎。既而僧徒覓非真天子，相率叛去。師賢奔歸

行在○時帝在笠置近畿之兵稍集而四方勤王之師未至帝憂之適夢紫宸殿前庭有一大樹南枝最茂下設御座忽有二小角迎帝座之帝覺而異之以為木傍南楠也意將有楠氏者出輔朕再正帝位也即召寺僧問之曰河內國金剛山西有楠正成者橘諸兄之裔也其母嘗禱志貴山毘沙門而生正成故小字曰多聞以勇武聞世帝謂所夢殆是乃遣藤房召至行在帝大悅委以興復問滅賊之計正成曰逆賊暴虐自招覆亡天誅所加蔑不剋也夫創業之功要在謀略若以力爭則

武藏相摸之兵天下無敵焉以謀屈之則易撓也然兵有勝敗或遇小衄勿煩聖慮臣如獲存何患不濟辭歸

城赤坂

○九月備後人櫻山茲俊起義兵築一宮城

太平

○北條高時奉皇太子稱帝于京師是為光嚴院

毘舍

門堂所藏記皇年代畧記按太平記為十月誤

○六波羅鎮將北條時益北條

仲時發兵七萬餘犯笠置城固而不能拔高時聞之遣

大佛定直足利尊氏將大兵赴笠置未至笠置陷判官

代錦織俊政飛驒守石川義純及子義右死之帝徒步

突圍而出唯藤原秀房從焉扶行三日夜欲幸赤坂為

追兵所執○冬十月六波羅兵奉帝幸平等院親王以

下文武百僚悉見執大佛貞直等請傳神器于新主帝

不聽既而貞直等遷帝於六波羅復請傳神器乃授以

新器按以新器授新主本書無明文然增鏡云帝親奉神器如隱岐則所授是新器而非真神器明矣

○初正成之城赤坂也城方可二町三面平地守者僅

五百人取民儲以充兵食太平慮行在不守方欲迎駕

距戰鏡增板築方畢而笠置陷大佛貞直等乘勢奄至兵

亡慮三十万正成先遣弟正季及和田正遠以兵三百

伏傍近山中敵兵視城小易之曰直以隻手提去耳輒

薄塹急攻城兵亂射雨注殺傷千餘人敵驚沮而退卸

甲解鞍就營憩息正季等瞰之分兵為二鼓譟而進城

兵亦開門出盪内外夾擊大破之器械鞍馬委棄載路

尋復來攻圍之數重正成豫為機壁俟其四面內薄而

上斷索壓殺千餘人因連投巨石大木殺七百餘人敵

更蒙盾競進以鐵搭鉤埤殆壞城中乃以長柄杓沃沸

湯敵皆糜爛自是退守營柵計持久以困之初正成之

築城倉猝儲糧不多至是糧盡纔餘數日食正成乃謀

衆曰我數有利而賊勢不挫內乏薦糧外無救援首倡

大義見危授命固所願也然臨事而懼好謀而成勇士
所尚我今陽死賊必引歸歸復聚衆出戰令敵疲奔命
制勝之道也衆皆然之正成為一大坑填以死屍積薪
于上留一卒戒曰候我行遠縱火燒城會夜大風雨正
成乃與衆三五分伴潛過敵營遁去敵不之覺及火起
爭入城見坑中焚屍以為正成真死引兵還關東北條
仲時北條時益遣湯淺定佛守赤坂○櫻山茲俊略定
國中將侵隣國及王師失利衆皆潰散乃知事不成詣
吉備津祠刺殺妻子火祠而自殺太平記是歲正成城金

即仁劍招集義旅保曆二年春三月北條高時

破城也還帝於隱岐特縱左近衛少將源忠顯從駕遷中務卿
尊良親王于土佐尊澄法親王于讚岐恒良親王于但

馬○夏四月車駕至隱岐以國分寺為宮高時命佐佐

木清高護衛太平記○京師改元正慶增鏡○楠正成復赤

坂城湯淺定佛降于正成并其衆徇和泉河內五月進

屯渡邊橋京畿大震仲時時益遣隅田通治高橋宗康

將兵五千餘來攻正成伏兵於天王寺側令弱卒三百

守橋皆羸馬繩轡及戰輒走以誘敵兵比過天王寺伏

兵起敵大敗退至藁人馬沒溺死者無算○北條高時
殺參議平成輔初帝之謀討高時成輔參與機密及笠
置陷成輔就擒至是斬之於相模早河尻遷大納言藤
原師賢于下總前權大納言藤原公敏于下野權中納
言藤原藤房于常陸參議藤原季房于下野增鏡○太平記下野
作常陸誤○六月北條高時殺中納言藤原資朝于佐渡太平記
記為元弘元年今從補任右中辨藤原俊基于相模太平記係元弘元年今從常業
記中納言源具行于近江○七月北條仲時北條時益
遣宇都宮公綱將兵五百攻天王寺和田某謂正成曰

隅田高橋五十兵我已敗之今公綱來攻兵僅數百乘
勝逆擊蔑不尅矣正成曰兵在和不在多公綱坂東驍
將從以紀清兩黨且彼承敗衄之餘僑軍孤進志在必
死使我能拒所亡亦多天下之事豈止今日耳愛士卒
以圖後舉也我今輸彼一籌引退數日出奇計之則坂
東慄慄之士氣索而去矣此所謂不戰而屈人之兵者
也遂引兵而退居數日遣卒三百及民兵數千盛列炬
火星布山澤如此連夜滋多滋逼公綱勒兵嚴備意其
衆日盛也果潛引還正成料敵出奇率此類也○是冬

護良親王城吉野初尊靈避難匿十津川半載蓄髮還

俗更名護良

更名梅松論

至是據吉野下令赤松則村使倡

義則村起兵播磨城苔繩以絕山陽山陰兩道由是京

師失鎮西之援官軍聲勢日益振○三年

北朝正慶二年

春二

月北條高時復大發兵遣二階堂貞藤攻吉野大佛高

直

本書作貞直今從保曆間記

攻千劍破阿曾時治攻赤坂時正成

使平野將監守赤坂將監距守旬餘城有暗渠為敵所

泄時又久旱兵士困渴敵仍以火箭焚樓櫓將監力盡

而降是月伊豫人土井通治得能通言起兵本州与長

門探題北條時直戰于伊豫星岡大敗之○閏月二階

堂貞藤陷吉野城左馬權頭村上義光死之護良親王

走高野山貞藤時治合勢攻千劍破兵衆甚盛城東

而臨谷南北接金剛山壁立數十仞敵恃其衆肉薄攻

之城中大發矢石拒之敵死傷無算乃令軍中禁擅進

安營環守城有泉五道雖旱不涸正成作大槽數百貯

水又每兩承屋溜於槽以故水常得足敵疑其外汲令

名越越前守將兵三千守東溪正成偵守者稍怠急擊

走之獲其旗幕翌日張之城上以辱之越前守愧忿率

兵五千拔柵進薄城兵下巨木仍大射之死傷略盡敵知其不可猝拔益成持久之計正成乃作藁人數十被之以甲羅之城外昧爽鼓譟誘敵敵兵不曉競赴藁人城上乃連下巨石殺傷八百餘人敵又為雲梯攻之正成作炬數十投梯梯然敵墮崖谷而死者數千人會近郡土兵奉護良親王令絕賊糧道賊兵大困逃亡相繼○時所在義兵並起四方豪桀響應兵勢大振北條高時慮有通謀於行在者乃命佐佐木清高嚴守衛清高乃畿州郡兵守之日夜警護過絕內外不得通時富士

名義綱守中門竊謀奪車駕以舉義無繇言之會帝夜使侍姬賜酒義綱喜得間因密附奏曰方今楠正成據金剛山赤松則村屯摩耶山伊東惟群築寨三石土居得能倡義四國四方官軍不期而響應此國家興復之秋也願陛下以臣直日出宮駕船以幸出雲伯耆之間二國將士必有應召者臣亦陽為追官家來屬禁旅也帝聞之大喜乃以侍姬賜之以察其情偽義綱感激効節之志益堅帝乃使義綱赴出雲招集義旅義綱為鹽冶高貞所拘帝遲之久而不至乃与源忠顯謀佯

為宮人月滿出宮者夜潛御腰輿出宮道乃輿徒步夜
暗不知所嚮帝步履甚艱忠顯扶之而行叩路傍人家
問千波港主人見而憫之負帝至港覓舟御馬舟人知
帝非常人曰小人幸得執役敢請所之忠顯曰汝已識
貴人我不敢隱此即當今天子出隱岐行官急欲幸出
雲伯耆之間指形便之地赴之異日事濟必重賞汝舟
人喜解纜疾馳佐佐木清高簇輕舸追及舟人乃匿帝
与忠顯於船底覆以藁魚兵士上御船遍搜而不獲問
曰汝見貴人乎舟人給曰夜半有船出港一人著冠

一人著烏帽今行可十里殆是乎追兵轉舵去已又有
敵舸百餘隻追至會風止御船不得前舟人恐懼帝乃
於懷中出佛舍利投之海默禱須臾風復起敵舸飄蕩
不知所之遂至伯耆名和港忠顯登岸問土人曰此地
有以武著者耶土人答以名和長年忠顯直造其所居
宣旨委託長年奉帝據舟上山聚眾衛護清高聞之率
兵三千來犯長年擊而大破之將士或降或死清高遁
還於是諸國勤王之師望風悉至出雲守護塩治高貞
与富士名義經等率兵來歸兵勢大振○児島高德備

前人備後守範長之子也稱備後三郎夙好讀書

風好讀書

太平記

初帝之在笠置也謀起兵勤王會行在失守

車駕西狩高德聚族議車駕干路乃要之於舟坂

山已而車駕自山陰道計竟不成乃踰三石山徑赴杉

坂則又不及焉於是眾皆散去高德欲見帝道其衷微

服夜至衙館竟不得聞庭有一櫻樹輒斫使白題之曰

天莫空句踐時非無范蠡明日衛士見之以白帝帝心

竊自喜至是與父共詣行在○三月赤松則村與六波

羅兵戰累破之遂長驅入京師

太平記

新主與新院避之

於六波羅

皇紀增鏡

則村與六波羅兵戰不利帝勅源忠顯

帥山陽山陰二道兵援則村菊池武時起兵討筑紫探

題北條英時於博多不克死之

太平記伯耆卷

○夏四月先是

祖馬守護太田守延奉恒良親王會源忠顯于丹波至

是忠顯奉親王陳于西山峰堂赤松則村與左近衛中

將源定平及僧良忠攻六波羅不利忠顯又與六波羅

兵戰見破守延戰死忠顯奉親王走男山○北條高時

遣名越高家足利尊氏將大兵援六波羅尊氏遂遣使

行在納款

太平記

尊氏源義家之裔讚岐守貞氏子也

源氏

系初高時遣諸將攻笠置也尊氏適遭父喪高時強起

之尊氏不獲已赴之城陷而還至是尊氏適疾高時屢

促之尊氏怒謂往年丁艱彼不之恤反趣赴役今我惟

疾又復見逼虐人一何至是

太平記怒謂以下抄北條家南都天正本太平記

始有歸順之志尊氏累世以源氏胄胤憤為北條氏所

制每有圖之之志而終不果

論梅松

尊氏欲乘釁濟先人

之志即力疾而起將携家累以從軍長崎圓喜勸高時

使其作誓書留妻子為質任尊氏果叛高時子千壽王

亦潛逃○赤松則村與名越高家戰久我戰則村部兵

佐川範家射殺高家衆皆潰走○五月源忠顯進軍竹

田足利尊氏屯神祇官赤松則村陣東寺三面薄攻敵

穿塹列柵守備甚嚴則村部下妻鹿長宗脅力絕人踰

塹倒陣塹為之平則村兵競進六波羅兵大敗則村與

忠顯尊氏合勢圍六波羅北條仲時北條時益奉新主

及二上皇東走時益中矢而死官軍遂收復京師○兵

部卿守良親王起兵要擊北條仲時于近江番馬仲時

敗死獲新主及二上皇

太平記

○詔停関白冬教左大臣

藤原基嗣官復左大臣藤原道平官

補任

○上野人新田

義貞攻破鎌倉北條高時伏誅鎌倉悉平征夷大將軍

守邦親王薙髮太平記自源賴朝開府至是百七十餘

年而鎌倉亡矣神皇正統記義貞源義家十世之孫也系世

食新田郡世良田楠正成之據千劍破也義貞從東軍

攻之竊懷歸順之志與其臣舟田義昌共謀欲得護良

親王令旨以舉義義昌以計請而得之義貞大悅明日

遂稱疾還鄉里日會宗族子弟謀誅高時及六波羅兵

失利高時益發大兵徵糧郡縣以世良田素多豪富特

課以錢六千兩限五日辦遣吏催督義貞執而梟之高

時大怒將移兵來討義貞乃與弟義助率大館宗氏堀

口貞滿巖松經家里見義胤等百五十人至生品祠前

舉義旗其日薄暮越後甲斐信濃諸源相繼來會比至

武藏眾至二萬餘聲勢大振与高時將櫻田貞國北條

泰家戰累破之進至關戸分軍三道並進大館宗氏攻

極樂寺坂敗死義貞乃率精兵二萬夜從間道赴之敵

兵數萬固守坂上柵多列戰艦于海岸軍不得輒過義

貞乃下馬面海禱潮退解佩刀投之海及曉潮退四五

里戰艦皆隨而漂去義貞大喜麾眾直入府中守坂敵

兵駭愕不得赴距江田行義堀口貞滿諸軍繼進所在縱火適風怒甚煙焰蔽空府第悉焚眾乘勢掩擊殺獲無算高時遂逃葛西谷舉族自殺自出師至此僅十五日乃馳使奏捷行在○車駕發舟上山次兵庫時鑣倉捷報未至上下猶懷危懼至是捷書始至眾咸莫不驩呼救授使者官授官太正記○六月初楠正成據平劍破城東兵圍之累月不能拔及六波羅敗諸將解圍而去至是正成率兵七千迎謁于兵庫帝親勞之曰國家再造實卿之功也正成拜謝曰不賴陛下威靈臣曷得

出重圍復有今日哉詔前驅入京師太平記○車駕還宮

時議者或言宜用重祚之禮左大臣藤原道平奏言陛

下雖在外久然躬奉神器臣以為宜用巡狩還宮之儀

帝從之去正慶號悉創新主所署官爵增鏡補罷置閑

白增鏡○詔復源長通右大臣藤原公賢內大臣補○以

護良親王為征夷大將軍初尊氏之克京師也忌親王

威名竊圖除之會親王候人殿法印良忠部曲剽掠都

下尊氏遣兵捕而梟之親王聞而大怒遂圖誅尊氏更

約束士眾繕修器械時勤王將士會集京師聞其欲有

皇明人

所討各懷危懼物情恟恟帝遣參議藤原清忠詔還初服親王答詔曰方今大寇殄滅兆民慶賴雖由陛下神武之所致愚臣亦與有勞焉臣竊以雖天下已平兵備未可遽弛故纂嚴以警不虞若應明詔不審閫外之寄其誰任之足利尊氏憑藉天威僅効微勞乃凌侮忠勲陰懷跋扈之志若不及其勢微而剋鋤則是又生一高時也望請天眷特借臣一員戎號為陛下誅豎子消禍亂於未萌也帝報曰尊氏未有罪責一旦加戮將士解射誰為朕用王勿妄舉失衆心也若其執節旄鎮廟社

朕嘉乃志安從其所請乃拜征夷大將軍封以北條泰家食邑自是親王漸耽聲色舉動稍衰○中務卿尊良親王尊澄法親王中納言藤原藤房及僧圓觀文觀忠圓等至自遷所○詔源定平楠正成討北條高時餘黨于南都招宇都宮公綱降之於是降者相踵阿曾時治大佛高直二階堂貞藤等剃髮出降○秋七月勅時治高直等於阿弥陀峰特宥貞藤○八月諸國將士悉朝京師左兵衛督足利尊氏為武藏常陸下總守護弟直義遠江守護新田義貞上野播磨守護子義頭越後守

護脇屋義助駿河守護楠正成攝津河內守護名和長

年因幡伯耆守護赤松則村播磨守護尋奪則村職賜

以佐用

莊太平記按本書係明季今據公卿補任尊氏為武藏守條

尊氏初名高氏

至是賜御名一字以寵之

補任

○置決斷所議軍士賞使

權中納言藤原實世掌之將士爭奉功狀集者數萬率

多詐冒實世不能甄別經旬月僅銓定二十餘人尋又

以所考冒濫見收奪敕中納言藤原藤房掌其事藤房

乃甄別真偽擬授略備而內特降旨行賞尤多猥濫藤

房知不可諫稱疾不視事更以民部卿藤原光經代之

光經備加參驗欲奏而頒行而內旨又以高時邑充供

御料大佛真直邑給准后藤原氏北條泰家邑賜護良

親王其餘分賜衛府諸司官闡倡奴之輩殆無遺地有

功將士虛手主者依違而已或以一邑授數人相爭紛

拏大為擾動天下復思亂矣○九月二階堂貞藤陰圖

不軌伏誅

太平記

○是秋護良親王罷征夷大將軍任兵

部卿

保曆間記

○冬十月帝以天下新定思欲鎮撫東陲以

參議源顯家為陸奥守出鎮陸奥出羽前大納言源親

房輔之顯家以不閑戎事固辭詔曰古昔皇子皇孫及

執柄大臣子內輔朝政外總戎旅方今海內統一內外
共貫文武之用何為二途其過往守爾藩屏顯家不得
辭強就任欲請皇子藉重乃奉義良親王行帝親書旗
銘賜之時縉紳赴任事久廢缺及顯家出悉依循舊儀
帝賜衣馬於御前遣之正統記元弘置評定眾引付眾
以掌國務建武二年顯家親房之子也補○十二月詔號
廢主為太上天皇皇年代

外史氏曰孔子曰名不正則言不順言不順則事不
成量仁親王既為帝儲貳方帝之蒙塵則監國

稱制固其宜也然帝未讓位太子既為賊所立斥
為閑位則帝之復位勢不得不廢既已廢之則故
親王也安可以尊號加之哉名之不正莫斯之甚恢
復之初庶績草創而紀綱紊亂如此宜其再致播遷
也

○以成良親王為上野太守出鎮鎌倉以左馬頭足利
直義為相模守輔之正統記元弘建武元年春正月
營大內以安藝周防租賦充其經費徵諸國地頭所入
二十分一安元以後大內久廢及是盛興土木大營宮

空用度不足始用楮幣太平○立恒良親王為皇太子

皇紀○二月右大臣源長通罷以前關白經忠為右大

臣補先是罷關白特詔左大臣藤原道平右大臣藤原

經忠參輔庶政天正本太○詔鑄新錢文曰阜坤通寶

銅楮並用建武○三月北條高時餘黨水間某濫谷

某反龍鍾拿足利直義討平之元弘日記裏○夏五月

出雲守護塩冶高貞獻千里馬骨相異常且出本州暮

到京師帝大悅養于左馬寮呼為天馬一日帝幸馬場

殿問內大臣藤原公賢曰天馬之出未之前聞屬當朕

世不求而至其應如何公賢歷徵故事以贊時瑞群臣

稱賀權中納言藤原藤房後至帝又問之對曰臣聞穆

王愛八駿而周政衰孝文光武却千里馬而漢業盛此

二者得失之機盛衰之効昭焉可睹矣今天馬之出臣

愚固不足以知之然竊謂此盖由時多秕政天其或者

將生左物以蕩君心也何則方今天下初定創夷未復

此執政吐哺諫臣抗疏協贊政治之秋也而百辟偷安

庶僚阿諛國家安危置之弗問嚮者播蕩之日天下之

士爭先赴義者其志在於建勳邀賞幸屬靜謐忠勲之

皇明史卷一百一十四

士思浴恩澤群集闕下日造記錄所新決所各上其功
狀委積成堆而主者不時決遣賞典所及非朝臣則其
參佐僚屬凡有功將士舉遺叙錄則憤鬱缺望相率歸
鄉竊歎時政枉濫有司不公而群臣徒視訴牒日減以
為虞內訟止無為所化何其謬也有司宜速論功行賞
以慰將士之心而營膳大內顧興不急之役陪課群國
之賦入使民重困諸國則國司秉權賤吏乘勢豪奪貞
應以後新建莊園在廳官人檢非違使健兒所等擅作
威福而守護懷失職之歎且如將軍家人之號損朝以

來相承有年逮于聖世削奪其號將門名族降伍編氓
怨讟之興職此之由足利尊氏新田義貞楠正成赤松
則村名和長年等殄滅大慈効忠皇室同功一躰固無
優劣而至則村禰前所補守護職僅賜其舊邑不知則
村何罪而陛下遇之如此也古云賞當其功則有忠者
進罰當其罪則有咎者退當今之政不帝賞罰失當將
俾綸旨有翻覆之譏陛下之政如此而此馬適至是殆
胎駝亂也夫德之流行速於置郵而傳命則聖化及遠
何須此馬異時若有不逞之徒方命倡亂天下之士將

響應景從則此馬適足以為軍國告急之資也伏願陛下裁玩物之志而留心於仁政矣帝不懌而罷及後足利尊氏反帝遣人乘天馬召新田義貞於尾張半道而斃果如其言○秋八月有怪鳥夜鳴紫宸殿上藤原廣有射獲之人首蛇身長丈餘太平記○九月內大臣藤原公賢罷以準大臣藤原定房為內大臣補○冬十月權中納言藤原藤房棄官而去時帝方事興作耽於宴遊藤房屢諫之帝不納藤房謂為臣之道於我盡矣一夕侍帝諷以比干夷齊之事至曉而退即放還車徒徑入

北山巖藏為僧

按藤房為僧不書為三月令從補仕皇紀

帝大驚命父宣房

索之將再任用宣房馳至巖藏則藤房既去矣

太平記

右大臣藤原經忠罷以前關白冬教為右大臣

補

○禁

兵部卿護良親王於馬場殿初親王惡足利尊氏所為欲除之密下令徵諸國兵士尊氏知其終不利已結帝寵姬藤原氏誣以謀反因上其徵兵書使藤原氏徵焉帝素不悅親王違詔然以其建大勲勉從其請及得尊氏奏赫然發怒託中官和歌會召親王命武士執之誅其親臣三十餘人親王憂憤莫能自明上書訴冤有司

畏憚屏而不奏○十一月流護良親王於鎌倉足利直

義遣兵衛護幽之地牢

太平記

○是歲以上野大守成良

親王為征夷大將軍

正統記

置關東廂番以足利氏族掌

治其事

建武二年記

○二年春二月左大臣藤原道平薨內

大臣藤原定房罷以右大臣藤原冬教為左大臣前內

大臣藤原公賢為右大臣權大納言藤原經通為內大

臣經通內經之子也

補

○夏六月權大納言藤原公宗

謀逆使左近衛中將源定平等收之禁于定平第

太平記

公宗實衡之子也

補

○秋七月北條時行嘯聚餘黨作

亂族人各越時無應之時行進攻鎌倉足利直義距戰

敗績時行乘勝進直義奉成良親王而走慮護良親王

為患使淵邊義博殺之窟中幽暗親王方照燭讀經見

義博奮然起曰汝欲殺我乎進奪其刀義博乃斫膝踣

之親王縮頸嚙刀折鋒寸許義博更拔副刀刺之遂遇

害時年二十八義博提其首將示直義視其面如生猶

銜刀鋒異而棄去侍姬索而獲之目猶未瞑乃与致光

院僧收屍火之齋首歸京師天下聞而寃之

太平記

○八

月藤原公宗伏誅

補

初公宗累世与鎌倉相為板援椒

房之選每出其家以故貴顯無比自高時伏誅公宗內不自安常思復北條氏匿高時弟泰家日夜共謀作亂乃計欲令泰家及高時子時行等一時並起竊圖弑帝為浴室于北山第牀下多植刀及設機可陷邀帝遊宴帝許之至期弟公重馳上變即遣兵收之至是密令名和長年誅之太平記○初天下新定政歸皇室朝臣方欲賴恢復遼東郡縣兵馬之制一復往古排抑武人守護威令不行所在將軍家人下編民伍由是衆情憤怨思天下之權復出將門足利尊氏素有大志矜貴自居龍

擢驟至意望不厭期必得源賴朝之比常窺時變圖以濟宿謀直義為之計畫然外示忠款以媚朝廷帝不之悟及陷護良親王奸計滋甚太平記會北條時行破鎌倉兵勢日熾太平記尊氏苦請往討詔許之又請任征夷將軍管領東國帝不聽更任征東將軍正統記保歷間記征東作征遂與直義擊時行破之進入鎌倉太平記帝遣藏人頭源具光召還之尊氏不奉詔保曆間記冬十月足利尊氏自署征夷將軍東國管領遂據鎌倉及擢賞有功撫

納降附關東之士多歸之者時新田義貞亦以源氏宗
曹族望侔於尊氏俱為中興勲臣尊氏每害其功至是
盤據關東八州之地擁兵數萬自謂乘此時除義貞則
其勢足控制朝廷而執天下之權也又欲帝助已以討
之上書列其罪狀乃命奪義貞領邑在關東悉分配部
下義貞聞之亦收管內所有足利氏采邑上書陳其逆
狀帝聞直義殺護良親王事大怒西國又進尊氏反書
遂命討尊氏太平記時尊氏因賴朝舊趾大營第宅叛意
益堅論十一月以參議源顯家為鎮守府將軍武建

二年以中務卿尊良親王管領東國賜節刀于左兵衛
督新田義貞將兵六萬七千餘自東海道兵部少輔脇
屋義助治部大輔宇都宮公綱肥後守菊池武重左近
將監大友貞載塩冶高貞等屬之大智院宮名彈正尹
忠房親王權中納言藤原實世修理亮江田行義等將
兵五千餘自東山道以討足利尊氏義良親王鎮守府
將軍源顯家發陸奥出羽兵並与諸軍會義貞与尊氏
兵戰于矢矧走之○細川定禪起兵讚岐應尊氏備前
人飽浦信胤田井信高反據福山城太平記○詔削奪尊

氏等官爵

補

越中守護普門利清反能登國司近衛

中將源定清死之

太平記

○左大臣藤原冬教罷以前右

大臣藤原經忠為左大臣

補

○十二月新田義貞与足

利直義戰于手越河原大敗之義貞進与直義相持于

宮根脇屋義助大友貞載塩治高貞等奉尊良親王与

尊氏戰于竹下敗績左近衛中將藤原為冬死之貞載

高貞降尊氏官軍大潰退屯尾張○召新田義貞還京

師足利尊氏躡官軍後而上招誘諸道兵並趣京師○

赤松則村叛丹波人久下時重波波伯部為光中澤玄

甫應足利尊氏攻守護碓井盛景盛景走攝津○延元

元年春正月使左兵衛督新田義貞守大渡權大納言

藤原公泰兵部少輔脇屋義助守山崎河内守楠正成

守宇治參議源忠顯伯耆守名和長年結城親光等守

勢多權大納言藤原師基守蜂堂○久下時重等攻蜂

堂師基敗走時重等進據老板兵部太輔江田行義擊

時重走之尊氏攻大渡細川定禪赤松範資攻山崎官

軍敗走宇都官公綱大友氏泰降于尊氏義貞走還京

師帝奉神器及二法皇幸延曆寺細川定禪陷京師縱

皇明史略

火燒菅尊氏進入京師遣定禪據園城寺○鎮守府將軍源顯家奉義良親王率軍尾尊氏至坂本尋而彈正尹忠房親王權中納言藤原實世等帥兵二万至自東山道与新田義貞楠正成名和長年等擊尊氏大破之尊氏西走遂復京師○二月宇都宮公綱來降源顯家新田義貞楠正成追足利尊氏至攝津累戰破之尊氏直義走筑紫義貞等振旅還京師○初藤原行房女弟入宮充掌侍為勾當有殊色義貞嘗夜直見其月下彈箏心竊悅之贈和歌道其情不報及車駕還京帝賜以

掌侍義貞繼緒溺愛逗撓不進使尊氏得逸京師再陷而中興之業不成議者憾焉太平記○以義良親王為陸

奧大守源顯家為鎮守府大將軍建武二年記與結城宗廣

奉以歸鎮親王任陸奧太守始此正統記元弘時仁木日裏書

賴章據丹波高山寺赤松則村據播磨白旗城石橋和

義起備前於是美作備中土豪一時蜂起悉應尊氏太平記

記○成良親王罷征夷大將軍職原抄○三月詔左近衛

中將新田義貞管領山陽山陰十六州討足利尊氏義貞適疾遣江田行義大館氏明于播磨擊赤松則村敗

之義貞尋募圍則村於白旗城則村詐請降義貞信之

馳取朝旨往反十餘日則村既已繕完守備乃為嫚言

指斥朝廷義貞怒合圍數重意期必拔而旬餘不能下

乃遣義助攻石橋和義於船坂山○夏四月後伏見法

皇崩壽四十九享年○備後守兒島範長及子高德

起兵備前熊山與脇屋義助攻船坂城拔之義助進圍

三石城太平記○置武者所以新田氏族為長官建武二年記

○五月足利尊氏將舟師七千餘艘直義將步騎二十

萬水陸並進直義攻福山城大井田氏經敗走脇屋義

助馳使告敗新田義貞報曰賊水陸並進若欲遏陸軍

恐水軍直入犯闕不若且退攝津以扼兩軍而蔽帝都

子宜解圍還會山里也義貞竟解白旗之圍退屯兵庫

士卒逃亡過半馳驛以聞舉朝震駭乃命河內守楠正

成赴援正成奏曰敵收九州軍勢猖獗以我疲兵恐不

能禦宜召還義貞車駕移蹕山門縱敵入京師招集畿

甸兵塞水路絕糧運待其疲散然後前後齊進可一舉

而斃也義貞之計亦當及此但不戰而退涉于物議故

不輒歸耳夫戰者雖始之或負欲終之有利請加再思

銳徐議再舉也夫戰以旌旗為眼目官軍皆樹錦旗而我無之故彼以我為賊也自鎌倉滅持明院上皇內懷快鬱若請其院宣建以錦旗天下之士莫不響應今茲大將軍在西而出軍東方此所以無利也今如鎮西以徇四國九州率軍以東上此萬全之策也尊氏從之至是軍果有功太平記○六月足利尊氏入據東寺迎法皇廣主千男山北條家西源院南都本太平記遣兵犯行在新田義貞及諸將守東坂穿塹施柵又列戰艦于湖上選射手以備防禦賊兵不得迫近參議源忠顯左近衛少將藤原雅

忠守西坂恃險不設備賊兵進攻之忠顯雅忠死之賊兵乘勝來進義貞公綱等赴援破之賊兵大潰自相蹈藉死者十計義貞因此大嶽使義助守東坂明日賊兵又攻東坂填塹燒樓櫓官軍叢鏃射之飛矢雨下賊兵死傷甚衆義助等開門出盪土居通治得能通言等率兵陣白鳥畱見義助出戰徑進橫擊賊軍遂引退始約兩坂有急各鳴鐘相報詰且有群猿亂撞寺鐘諸軍以為敵至爭馳集東西坂賊軍望而擾動因下擊大敗之賊人馬蹂躪死者無算獲賊將高師重賊兵遂潰散義

貞進攻東寺不利名和長年死之

按本書長年戰死係七月今從梅和論常

○秋七月前權大納言藤原師基率北國兵至延曆

寺官軍又振新田義貞及師基分兵二道並進攻東寺

有叛者以計報賊義貞復敗歸坂本帝以為官軍累敗

由僧徒漏謀詔以本州國衙充延曆寺以悅僧徒之心

於是僧徒移牒興福寺乞援興福寺應之近畿兵士相

踵送款乃分遣諸將扼要害絕賊餉道賊軍大困義貞

乃與諸將剋日四面攻京至期義貞入辭帝溫顏勞獎

親剪所御紅袴以頒賜士卒義貞感激拜謝曰成敗利

鈍非臣之所逆料但臣今日不向賊發一矢者必不生

還乃分兵為三所在縱火轉鬪而前賊兵皆披靡莫敢

拒者遂至東寺望尊氏營大呼曰天下洶洶以吾二人

勿徒求功利害生民為也願單騎決戰乃注箭射之矢

輒樓櫓著尊氏所坐屋柱沒鏃矣俄而賊兵從後奄至

義貞馳突而出賊復雲合圍之數重射中其額流血淋

漓義貞決死力戰初帝寸斷紅袴以賜將士士皆奮激

綴之笠號而出至是其兵八百殊死而戰潰圍入擁義

貞而去

太平記

○八月足利尊氏奉後伏見皇子豐仁親

王稱帝于京師是為光明院乃用建武號皇紀○冬十月初帝幸延曆寺自六月至九月從駕士二十萬皆取給於僧徒至是敵又斷東北餉道官軍屢出爭之不克軍士饑困逃亡相繼部伍日減足利尊氏上書陽降請車駕還京師帝聽之敕新田義貞奉皇太子專勾當軍國事經略北國○車駕還京師御華山院足利尊氏置兵監衛奪公卿以下官職拘諸將士○新田義貞與藤原實世等奉皇太子赴北國尊澄法親王走遠江式部卿懷良親王走吉野藤原隆資走紀伊藤原師基藤原

也繼源定平走河內前大納言源親房走伊勢本書不載光繼親房今據皇太子至近江塩津土居通治得能通言遇敵戰沒進至越前氣比社司氣比氏治迎入金崎城足利高經仁木賴章等將大兵來攻城兵衆高連發矢石敵死者日十數竟不能拔太平記○十一月足利尊氏請傳神器于新主帝以偽器授之昆沙門堂所藏記皇紀略記○越前人氏生保起兵松山推式部大輔脇屋義治為將足利高經分兵攻松山保擊走之太平記○新主以帝第七子成良親王為太子正統記○左近衛少將源頭信起

兵伊勢保曆間記○十二月帝潛出華山院幸吉野本書係八月

從元弘日初帝之在華山院足利尊氏分拘左右侍臣

獨縱三條景繁得給事焉一日景繁因勾當內侍奏曰

新田義貞據金崎城累破賊兵而劍白山僧徒攻富樫

介那多城拔之謀為義貞援北國官軍復振而從駕將

士為賊所拘者如菊池武重日吉加賀法眼等今多逃

去舉義本國賊滅之機已兆矣願陛下乘間幸大和據

險保守領詔四方以增義旅之聲勢耀皇威于宇內也

帝喜從衆婦人衣使內侍齎三神器從後追而出景繁

擁帝上馬負檐神器與公卿數人從之時夜闇咫尺不

辨太平記帝望路傍隱然如有祠宇顧問之侍從忠房

問對曰稻荷祠也帝作歌禱之忽有赤氣如炬起于祠

上照路如晝吉野拾遺隨光南行天明至穴生遣景繁招諭

吉野山僧徒吉水院主宗信等遣僧兵三百來迎帶刀

楠正行和田正朝真木定觀等亦率兵迎衛近畿兵日

至行在乃使渡邊忠景賜詔書于新田義貞令圖興復

太平記○足利尊氏幽成良親王正統○二年春正月伊

賀守里見時成及公生保僧義鑑率兵援金崎不克死

之自是外援斷絕糧食已竭採海物以充食後乃每旦
宰馬以食將士而天時方暖雪消路通敵兵日集城下
至十萬三月義貞與義助藤原實世潛踰城赴杣山招
徠援兵敵兵遂陷金崎城皇太子被執尊良親王及藤
原行房新田義顯里見時義氣比氏治等死之○是夏
前治部大輔宇都宮公綱至吉野尊澄法親王起兵于
遠江井伊城大館氏明起伊豫江田行義守丹波高山
寺城治部大輔金谷經氏守丹生山北條時行馳使奏
請討足利尊氏自贖詔許之○秋八月鎮守府將軍源

顯家奉義良親王率兵西上與足利義詮兵戰于利根

河破之太平記奉義良親王統記義詮小名十壽王尊氏次子也系圖

初尊氏之屬官軍義詮在鎌倉家人抱走下野高時滅

後家人奉義詮居鎌倉尊氏遣細川和氏等輔之關東

將士多去義貞而歸義詮梅松論太平記○冬十二月宇都宮

公綱新田義興北條時行等發兵會源顯家進攻鎌倉

克之足利義詮出走義興義貞次子也是冬義貞據杣

山與足利高經相持○三年北朝曆應元年春正月源顯家與

土岐賴遠杣井直常戰于青野原敗之太平記○前内大

臣藤原定房補任家稱吉田家房經長之子也系定房

父子相繼諡練朝典並有日錄經長所記曰吉續記定

房曰吉槐記○二月源顯家與高師泰戰于雲津川敗

之三刀谷文書進屯南都太平與挑井直常戰于南都

及四天王寺敗績走河內義良親王宗良親王赴吉野

參取元弘日記裏書太平記李花集宗良即尊澄蓄髮更名宗良新集○

新田義貞拔越前府城足利高經走保足羽城餘黨望

風崩潰北陸響應四方義軍復起○三月源顯家出師

和泉遣弟顯信守男山高師直進圍之○夏四月足利

尊氏配皇太子恒良及成良親王初太子之被執也足

利高經檢視首級惟有新田義顯里見義氏首高經問

太子以義貞義助等存亡太子以為以實告之則彼必

急攻和山乃給之曰聞昨日薄暮義貞兄弟自殺從者

火屍營中高經信之以和山無勅敵彼自出降不須勞

師使兵士護送太子於京師與成良親王共幽一室及

是義貞義助出和山連拔數城兵勢大振尊氏直義大

怒曰是信東宮之言而緩和山之故也乃命蒙原氏光

醜馬氏光齋藥謁曰太子幽鬱恐生疾直義使臣獻藥

皇明史卷一百一十五 卷之十一 五十九

成良曰無病進藥是愛我也焉有愛人而幽閉一室者

乎是必毒藥也將投之地太子曰彼欲殺我縱不飲此

豈有全理乃偕成良飲藥而薨太平記○五月源顯家与

高師直戰于界浦死之正統記是夏手詔促新田義貞

救男山義貞遣義助率兵赴援○秋七月高師直縱火

焚石清水宮太平記源顯信棄男山保河内元弘日脇屋

義助至敦賀聞男山陷班師○閏月左近衛中將新田

義貞攻藤島軍敗死之初義貞畱取黑丸城足利高經

恟懼築七營以備之會平泉寺僧徒又叛保藤島城以

應高經義貞欲攻之率兵渡足利河旗仆中流衆以為

不祥義貞分兵攻七營藤島兵擾動官軍衆勢攻之不

利義貞聞之急引騎五十間道赴援高經遣兵三百救

藤島兩軍適遇敵隱楯亂射義貞兵不持排楯又無射

手士卒以身扞義貞義貞欲馳突敵軍從士中野宗昌

宗昌抄金勝止之曰千鈞之弩不為懸崖發機無為君

以身殉之也義貞不聽徑馳踰塹馬蹶而僵適有流矢

中其額義貞終自剄而死年三十八享年抄從士皆剄

腹而死時霧雨昏濛故餘衆竟無赴援者迨知其死逃

散略盡北國不復支初義貞盛上所賜手詔於錦囊而

繫之首至是敵兵獲其首不的知其為義貞高經檢視

之得其乃繫手詔始知其為義貞也賜屋義助收兵據

越前府太平記○以左近衛少將源顯信為鎮守府將軍

兼陸奥介與前上野介結城宗廣奉義良親王出鎮陸

奥節度東北諸軍事前大納言源親房輔之參取正統記元弘日

記裏書○曾澄法親王左兵衛佐新田義興左馬權頭

北條時行經略東國並由海道太平記○九月義良親王

發伊勢海上遇風船皆飄蕩親王船漂至伊勢條島太平

記藤島作神風續今從宗良親王船漂至遠江李花集

新集集城書裏書源親房漂至常陸撫定郡縣正統記○四

年北朝曆春三月義良親王還吉野正統○秋八月帝

不豫太平記立義良親王為皇太子新集尋而禪位帝崩

於吉野宮壽五十二正統吉在位二十一年正統改

元者八日元應元亨正中嘉曆元德元弘建武延元畧

帝天姿英毅博通書史增鏡正即位之初留心政事置

記錄所以聽庶政及元弘兵興蒙塵數年遂復大位後

狩吉野正統臨終以元兇未殄為恨遺命薄葬務畱恢

○

復慷慨按劍以崩

太平記

皇太子立是為後村上天皇

外史氏曰 帝以英邁之姿慕延喜延久之風銳意

圖治元應之政有可觀者播遷之禍雖 帝自取然

非素有失德取怨於天下故海內憤怒英雄陳力竟

能以少康一旅之衆復齊襄九世之讐雖 帝之英

斷使然亦會時之可為也及其欲滿志得極奢侈荒

盤樂信諛言黜忠勲終致大亂使逆賊滔天而京師

再陷此無他由駕馭失宜而措置乖方故也請嘗論

之夫天下者大器安則難傾傾則難正傾正則難久

術何如耳方 帝之復位相親房藤房使正成長年

之徒護衛京師義貞奉護良出鎮鎌倉如此則不惟

海內得安王室之盛殆將復往古惜乎 帝雄武有

餘而英略不足才智絕人而明德有闕此其所以大

業不終僅止偏安者歟

皇朝史略卷之十二

水府史臣青山延于著

男

廷光校

後村上天皇諱義良後醍醐帝第八子也母新待賢門

院妻抱日有娠遂生帝正統記延元四年八月立為皇太

子新集兼尋而受禪正統記○九月以懷良親王為征西大

將軍阿蘇官先是親王與帝共發伊勢而親王舩漂至

讚岐元弘日記裏書讚至是拜征西將軍掌九州節度

阿蘇官文書○冬十月帝即位於吉野行宮時年十二元弘日記

裏書國城

推大納言藤原實世權中納言藤原隆資並

書裏書

掌機勢時軍國多故行宮湫隘諸儀不行唯拜神器而止○畑時能與足利高經戰于伊地山死之時能武藏人勇悍多力膽略絕人每戰未嘗敗初從新田義貞屢立戰功及義貞死從脇屋義助唱義北國累破高經兵至是中流矢而死○脇屋義助保根尾城土岐賴遠土岐賴康攻而陷之義助收餘衆間行至吉野帝慰勞甚至加爵一級從兵皆授官賜物大納言藤原實世曰義助累敗無所依歸而後奔投朝廷乃厚加賞賜何以異

於治承之賞維盛哉中納言藤原隆資曰義助敗衄非謀之不臧盖由朝廷處置失宜故也何則古之命將專任責成事不從中制俾三軍之士唯將令之聽故能克敵成功乃者北國之役軍士每有所訴不須將之指麾直取朝裁而行在侍從之臣有所請輒賜以北國戰勝之地將權日輕士心日驕是皆取敗之道而非戰之罪也昔者孟明視西乞術為晉所敗秦穆引咎自責由是觀之朝廷之於義助亦所以激勵之豈可與夫賞維盛同日而論哉○十二月宣遺詔勸王時楠正行和田正

朝率兵警衛行宮征東將軍宗良親王在遠江征西將

軍懷良親王在筑紫鎮守府將軍源顯信左近衛少將

新田義宗左兵衛佐新田義興其宗族江田大館及土

居得鉢菊池三角櫻山之徒並據州郡圖恢復太平記是

冬官軍與敵將高師冬戰于常陸下總矢部文書興

國元年北朝曆應三年○按興城書裏書和漢合興國元年改元係延元四年十月今從元弘日記裏書春

三月伊豫義徒奏請將帥會備前人佐佐木信胤歸順

道路始通遣刑部卿脇屋義助總督四國九州諸軍○

五月脇屋義助奉初義助至伊豫國司藤原有資守護

太館氏明及土居得鉢上肥河田武市日吉等諸族大

得聲勢官軍復振敵兵棄城而逃至是諸軍沮喪四國

尋陷太平記○鎮守府將軍源顯信發伊勢赴陸奧入白

河城前大納言源親房遣兵襲賊徒於下總駒館城高

師冬火營而逃元弘日記裏書○秋九月細川賴春陷世

田城左馬助大館氏明死之太平記○是歲高師泰陷井

伊城保曆間記祇園宗良親王奔越後李范○二年北

曆應夏六月高師冬攻源親房源顯時於小田城親房

出兵擊敗之別府文書親所○是夏源親房迎興良親

出

王於京師興良護良親王之子也阿蘇宮文書本書與良名關今從古本帝

王系○冬十一月小田治久降于師冬親房走保關城

顯時走保大寶城別府文書乞援結城親朝親朝不聽

結城○四年永二年關大寶二城陷源親房等走至吉

野別府文書結城親朝降于足利尊氏結城○五年北

康永二年春三月侍從源顯國與敵兵戰于大寶城死之常

記吉田藥顯國親房之族也烟田氏○六年北朝貞

島高德茂野朝忠迎式部大輔脇屋義治於上野起兵

月忠與山名時氏戰于丹波敗績明志山餘義治高德

入京師潛謀襲足利尊氏事敗走信濃義治義助之子

也太平○正平二年北朝貞秋九月足利尊氏遣其將

細川顯氏以兵三千來攻河內距金剛山七里而舍聞

正行將攻矢尾城謀斷其後鑿之正行探聽率兵七百

伴向矢尾縱火所在潛還敵譽田林而陣顯氏望矢尾

煙以為敵果攻之乃馳赴金剛山無復隊伍比過譽田

正行兵大呼突出顯氏大敗有奔保四天王寺異本太

○冬十一月楠正行邀擊山名時氏細川顯氏於瓜生

野大敗之餘眾潰走至渡邊橋溺者無算時氏被創走

關大醫
太平記
○三年北朝貞和四年春正月賊將高師直將兵八万

侵河內河內守楠正行及楠正時和田正朝和田賢秀

與師直戰於四條戰死之年本書為正平四年初師直之入

寇也正行詣行宮奏曰義者先臣正成展微力平強敵

以安宸扆無幾天下復亂逆徒入寇終致死於湊川臣

時年十一遺言遣還河內糾合義旅欲殄滅兇逆俾宇

內再歸皇化也臣年既壯常恐一旦嬰疾孤負遺命方

今師直師泰來犯實臣報効之秋也若非獲彼首則臣

必授首於彼惟惟之決在此一戰願得一拜罷願而去

言畢泣下帝慰諭之正行頓首而出率眾拜後醍醐帝

廟題和歌於如意輪堂辭曰加倍羅自斗加禰臥於毛

倍波阿豆佐由美奈幾嘉儒珥以流奈烏曾斗斗牟流

至是果戰死初瓜生野之戰正行援敵溺卒五百人給

衣藥視養數日因與鎧馬禮而遣之敵或感恩來降及

是悉皆徙死師直進逼吉野帝出幸穴太師直遂火行

宮而還楠正儀與師泰相持石川正儀正行之弟也○

夏五月紀伊官軍與足利直冬戰敗績太平記○冬十月

光明院傳位於太子興仁是為崇光院○十一月花園

三月

法皇崩于萩原殿壽五十二

國大曆

○五年

北朝觀應元年

冬十

二月足利直義歸順初直義助尊氏為逆姦謀密策多成其手及尊氏擁立光明院為征夷大將軍直義為副將軍執政數年威權赫奕薰灼一時公卿以下贈遺相繼當時與尊氏並稱曰兩御所直義初無子養尊氏庶長子直冬為子時僧妙詰以禪教為直義所崇信勢利之徒阿諛奔走貨賂山積高師直師泰惡其所為屢加陵辱妙詰銜之上杉重能畠山直宗雅與師直不協乃深結妙詰謀除師直等妙詰勸直義備之直義納之乃

以直冬為中國探題欲令居外為援既而謀泄師直師泰集兵自備都下繹騷尊氏召直義謀事師直師泰率兵五萬圍之尊氏責以大義師直請必獲直宗重能等而退兵尊氏不得已許其所請師直乃解圍而退尊氏罷直義政務召義詮于京師使掌軍政流重能直宗於越前師直乃退師尋逼殺重能直宗又命中國將士攻直冬直冬走肥後直義屏居無聊懼嬰飛禍每不自安竟剃髮號慧源示無用世之意至是直冬起兵鎮西師直勸尊氏親往討之且請殺直義

太平記

直義走匿大和

上書請降大納言藤原實世建言車駕播越百姓流離
十餘年於今皆彼兇堅所為而今窮蹙乞命蓋欲藉天
威以復私讐耳宜乘機誅戮以絕後患左大臣藤原師
基等議謂直義降則尊氏自平帝從之詔直義討尊氏
畠山國清棄石川之圍應之○六年北朝觀應二年春正月上
杉能憲起兵鑣倉遙應官軍攻高師冬殺之○左馬頭
足利直義等將兵進據男山桃井直常歸順據延曆寺
將攻京師足利義詮棄京師走直常入京師時尊氏討
直常在備前聞直義歸順急引兵還過義詮于西郊俱

還攻直常直常敗走既而尊氏將士多降直義明日尊
氏與義詮西走桃井直常還守京師直義使石塔賴房
攻尊氏於書寫山連戰敗之直義又使畠山國清上杉
義依援賴房與尊氏戰于御影濱大敗之尊氏狼狽入
松岡城將自殺會饗場氏直至國清營議和尊氏遂還
京師直義往會之高師直師泰披剝出降道為上杉顯
能所殺師直世仕足利氏及尊氏起兵從滅六波羅以
功為武藏守後屢建戰功尊氏甚親任之威權無比雖
勲舊將士視其瞋笑以為喜懼性又貪淫擅張兇威逞

其毒螫怨望者多大營第宅尤極壯麗又多略諸王公卿子女分匿數所每夜就淫焉塩冶高貞妻有姿色師直百計挑之不聽事播都下乃欲陷高貞以奪其妻遂誣其反高貞挈家走出雲師直怒曰恨不早戮失此美女子也遽請尊氏發兵追之且囑必生致其妻追兵及之高貞妻道自殺高貞走至出雲亦自殺其淫虐率此類也太平記○二月將軍塚震動皇年代○三月足利直義畠山國清復叛○夏六月赤松則祐歸順請奉征夷將軍興良起兵討足利尊氏聽之國大曆○秋八月

利尊氏請降不聽國大○冬十月足利尊氏復請降許

之詔討直義國大曆初尊氏與直義講和罷義詮政事

復令直義掌之而內甚不相能既而仁木賴章細川賴

春土岐賴康佐々木高氏與石塔賴房挑井自常等互

相猜忌各懷危懼於是浮言沸騰釁端復開賴章賴春

等各逃還領國直義聞之亦奔越前將士多從之於是

尊氏將兵討之太平記與直義將細川顯氏畠山國清挑

井直常戰于八相山破之國清顯氏勸直義講和不就

乃率部眾降尊氏直義走鎌倉天正尊氏乃還京師

謀復往擊之而懼京師空虛為官軍所罷屢遣使吉野
請廢崇光院迎車駕帝不許時赤松則祐在吉野尊氏

又因則祐請降帝佯許之賜詔書使討自義廢以下
據閣大曆者補任尊氏乃使義詮留守京師親率諸將發○十一

月足利義詮請車駕還京師詔許之義詮廢崇光院及
太弟直仁去觀應號奉正平號續神皇
正統記○十二月以前

左大臣藤原師基為関白補源親房準三官頒賞從駕
群臣有差太平記崇光院所署関白藤原良基以下公卿

西條實行實太平○足利尊氏屯據山崎京師

綱起兵應之與桃井直常累戰破之直義走匿伊豆山

尊氏遣畠山國清等貽書招之直義出降○七年北朝
文和

元春二月足利尊氏殺弟直義○車駕發賀名生至東
條百僚戎衣○閏月車駕至男山右近衛大將源顯統

右近衛少將源顯經楠正儀和田正忠等入京師與細
川頭氏細川賴春戰破之斬賴春足利義詮走迫江○

初義詮之納款也帝遣由良信阿救新田義興新田義
宗及脇屋義治曰朝廷講和實一時之權宜卿等宜及
時稱兵以除賊魁於是義宗等招集義旅得十餘萬進

至武藏與尊氏戰于小手差原殺傷相當賊將饗庭氏
直河部六千皆少壯押梅花於兜鍪號曰花隊我兵兒
玉黨七千餘人皆画團扇為旗號義宗曰扇有風可以
散花麾而進之氏直果敗賊眾隨潰義宗率輕騎五百
追尊氏馳數里至石濱幾獲之其左右二十餘人力戰
而死尊氏僅得脫去會日已暝後軍無繼義宗乃退保
笛吹嶺兵士復集者三萬餘奉宗良親王為元帥時義
宗與義治饗鎌倉足利基氏遁走尊氏來攻笛吹義宗距

脇室治集賊倉保河村城

太平記

鎮守府將軍源顯信

起兵陸奥言賊不克保宇津峰城

相馬文書

先是逆

光嚴北狩

三主

及直仁親王於男山行宮

太平記

全

是徙之於東條

關大

○足利義詮進屯東山源顯信陣

淀赤井

義詮又進陣東寺頭

能退軍男山赤松則祐叛

降于義詮

夏四月

足利義詮犯男山源顯信楠止儀

和田正忠等拒戰於園殿口佐羅科賊縱火民舍攻之

官軍不利而退○五月楠正儀和田正忠還河内圖集

兵為聲援正忠病卒○賊兵圍男山自三月至是月官

軍糧竭人無固志會矢野下野守湯川庄司等三百餘人叛降義詮官軍不敵支帝乃擐甲騎馬潰圍而出賊前後來逼權大納言藤原隆資中納言藤原雅賢等死之一宮有種追及帝藤原康長擊蹄之至木津河賊又圍而射之矢及御鎧康長單騎扈從距戰甚力賊而有官軍百餘來擊賊卻之遂還賀名生先是帝駐蹕天王寺兒島高德應召至行在帝詔高德趣東國比國招誘義旅以圖興復高德乃至關東說新田義興脇屋義治等會入援行在時尊氏猶在東國義興等入援

新田義宗挑井直常吉良滿貞及土居得能等各率諸國兵勤王未至男山陷諸將引還若官軍拒守少延數日賊將自退議者惜焉太平記○六月幽光嚴光朋崇光

三主及直仁親王於賀名生別宮國大曆太平記吉野拾遺○秋七

月宇津峰城陷鎮守府將軍源顯信走赴吉野相馬文書○

八月左大臣藤原經忠薨尊卑分脉○足利義詮奉光

嚴院子彌仁親王稱帝于京師是為後光嚴院園大曆太平記

○九月山名時氏山名師義起兵伯耆徇出雲因幡隱

岐馳使歸順○冬十一月足利直冬歸順太平記○

國大初直冬走鎮西納少貳賴尚女為妻往居其家九

國服從兵勢大振石見人三角景等亦遙為之聲援及

直義為尊氏所殺國人皆畔之太平記直冬走長門據豐

田城至是因吉良滿貞石塔賴房納款北朝文和二年八年

春三月鎮西諸將應足利直冬兵勢大振山名時氏收

美作國大○夏五月山名時氏等發伯耆救大納言藤

原教忠中納言藤原隆俊左兵衛督藤原康長左馬頭

楠正儀和泉守和田正武彈正少弼赤松八範等和

東國內太紀伊兵衛時政等月諸將如前例

戰敗之義詮奉新主走近江官軍收京師太平記藤原教忠據國大

曆詔公卿預新上踐阼及從之東走者解官沒居第國大

曆○秋七月足利義詮進逼京師時山名時氏引還伯

耆諸將亦退太平記義詮復入京師○九月足利尊氏奉

新主還京師國大敵軍復振太平記○以右兵衛佐足利

直冬為總追捕使國大

外史氏曰 後村上帝以一旅之衆僅保吉野所恃

者名分而已足利尊氏擁立新主號令四海而不敢

犯吉野其所畏者亦名分而已方直義之納款也使

帝能用藤原實世之言誅之以正典刑庶足以張
皇威振紀綱也而帝不能用直冬以梟獍之姿一
且窮蹙無所投足然後歸身朝廷以圖抗父悖逆之
甚罪不容誅而帝又納之欲藉其力以滅逆賊何
其惑也夫以吉野區區之衆能使逆賊寒心落膽不
敢抗之者以名分僅存也今乃納悖逆之徒不惟不
誅之又從而寵秩之是以堂堂朝廷為逋逃之淵藪
也其何以能服天下之心哉向使帝誅二賊以明
大義天下之人豈有不響應者哉然後命將出師則

逆賊可滅而天下可平矣今則不然與契時逆惟恐
不及竟使逆賊得以藉口自是之後天下日尋干戈
亂臣賊子接武於世者亦由名分紊而彝倫斁故也
嗚呼為人君者可不防其漸哉

○九年北朝文和三年夏四月準三宮源親房薨常樂記親房具

平親王之後大納言師重之子也家稱中院又北畠尊

分親房遭亂間關流離艱難備嘗未嘗一日忘王室關

脉親房博洽貫穿古今所著有職原抄神皇正統記世

與藤原宣房源定房並稱為後三房後三房據國雲日件錄親房

深冀中興不終皇統無絕乃推本皇祖建國之意為正統記上起神代下迄與國揭皇統於已微以明神器之有歸其顯微扶正頗有合春秋遺旨云正統記○冬十二

月足利直冬山名時氏奉詔發伯耆兵討足利尊氏足利高經桃井直常率北國兵應之兵勢甚盛尊氏使義詮屯播磨班鳩驛備之直冬時氏等進至丹波尊氏以

京師兵寡不可守乃奉新主走近江按本書為明年正月事今從歷代皇紀○十年北朝文和四年春正月足利直冬山名時氏桃

井直常足利高經至京師○三月足利尊氏據延曆寺

足利直冬足利高經等據東寺遣大納言藤原隆俊左

兵衛督藤原康長據八幡山名時氏及子師義與足利

義詮戰于神南山敗績○三月諸軍與足利尊氏大戰

于七條敗績諸將退保住吉四天王寺界浦直冬時氏

還伯耆尊氏義詮入京師太平記○秋八月聽光明院還

京師○征東將軍宗良親王起兵信濃諏訪祝某仁科

某應之○十一年北朝延文元年春正月足利高經叛降足利

尊氏○十二年北朝延文二年春正月聽光嚴崇光二主及直

仁親王還京師園大曆直仁親王興太平記○十三年北朝延文三年春肥

前守菊池武光與一色直氏等戰敗之聲勢大振大友
氏時少貳賴直望風屬之○夏四月足利尊氏卒尊氏
初以犯順人心不服擁立光明帝事必稟請及得志無
復所顧忌視其主如弁髦廢立出其意自兵興已來前
後二十餘年京師為戰爭之區宮殿焚蕩饑疫相踵盜
賊橫行死者枕藉而尊氏將士日鬪茶飲博競以奢靡
相夸錢帛器玩悉散與優妓賄賂公行冤獄荐興卒之
父子兄弟日尋干戈更相吞噬海內騷然無復寧歲矣
尊氏作僭號而為創業者雖亦經年而卒

量恢弘有權略見事若遲緩而計畫分明特長譎詐人
無窺其際愛士好施視金帛如土芥嘗值八朔將士獻
物一時頒與悉散盡士以此為其用云梅松論○秋八月

左大臣藤原實世薨

園大曆

○初新田義興弟義宗賜屋

義治等退保越後時武藏上野豪族連署請奉以為將
義宗義治疑而不應義興獨從百餘人至武藏於是義
貞勲舊之士所在來皈而二州豪族亦多通謀者時畠
山國清相足利基氏在鎌倉慮其為患數遣兵襲之不
克乃與竹澤良衡謀佯為負罪奪邑送款義興疑而未

信良衡迎美女少將于京師盛飾以進義興悅而寵之
良衡因使人屢道其忠赤無貳遂得見獻以鎧馬義興
益信之引參謀議適值九月十三夜良衡面邀義興伏
兵以害之請義興與義興許之會其寵姬少將貽書義興
止之義興稱疾不往良衡疑少將漏謀殺之義興不之
知數通書問良衡詐答以疾不報源通以下據西良衡
源院本太平記
因請國清得江戶堯寬俱謀事國清乃偽奪堯寬食邑
更置守吏堯寬逐之築城集兵陽為叛狀因良衡通義
興由道無故奪邑無所容身欲報之怨而軍無司命

士卒不服願奉以為將臣族在鎌倉者數千人率以取
鎌倉徇八州則天下可定矣義興許之冬十月義興僅
從親信十餘人至矢口渡良衡堯寬豫鑿舟枘之伏兵
岸側義興比至中流舟人乃抽枘逸去舟將沈伏兵悉
起義興大罵曰乃為大不道人所欺七世必讐汝矣遂
與井伊直秀直秀據井伊家譜等自盡而死良衡堯寬以其首
獻基氏基氏厚賞二人使堯寬歸邑索殘黨堯寬還至
矢口渡舟人載酒看出迎俄而雷鳴波涌舟覆溺死堯
寬駭怖馳走數里俄而黑雲一道自上掩至回顧見義

興彼甲騎馬追而射已即墜馬歐血悶絕昇至其家宛轉攀緣為溺水扶七日而死後矢口渡數有光怪土人

立祠祀之云○十二月新主以足利義詮為征夷將軍

○十四年北朝延文四年秋七月征西將軍懷良親王率菊池

武光等討少貳賴尚八月官軍與賴尚大戰于大原權

大納言藤原親弘中納言源顯信以下卿相將士多戰

死武光奮戰遂大敗之賴尚走保寶万嶽○冬十月畠

山國清率關東兵二十万西上將犯天野行宮按自賀各生徒

天野年月左馬頭楠正儀與和泉守和國正武合奏曰

是戰臣等為官軍保必勝也夫所貴乎兵者三焉天時

也地利也人和也今茲大將軍在西利東伐而不利西

征而道誓稱兵西上是趁天時也官軍所守前大河後

深山元弘以來賊屢來攻每不利而退是我得地利也

道道與內欲專功倫輩嫉之是失人和也失此

三者雖百万兵不足畏也臣等據金剛山眾皆各所令

土兵誘敵乘其疲潰擊之蔑不剋矣請車駕幸觀心寺

以待賊平帝深然其言從之○足利義詮將兵七万發

京師○十五年北朝延文五年春正月楠正儀和田正武城赤

坂又築龍泉龍門平石八尾等砦分兵守之大納言藤原隆俊守紀伊最初峰○二月畠山國清進屯津津山楠正儀和田正武出兵拒之連戰破之○夏四月藤原隆俊與畠山義深戰于龍門山敗績退保阿瀬川城敕征夷將軍興良親王率彈正少弼赤松氏範等討畠山國清既而興良反焚賀名生行宮遣前關白師基討之興良敗走○閏月土岐直氏細川清氏赤松範實陷龍泉城今川範氏佐佐木氏賴佐佐木信詮陷平尾城八尾守將真木野某等棄城走○五月畠山國清會軍攻

赤坂城楠正儀欲退保金剛山和田正武不可率精兵夜襲敵營不克乃火城退保金剛山○秋七月楠正儀攻水速城拔之伊豆守山名時氏攻赤松貞範拔其六城仁木義長歸順義長賴章之弟也自尊氏時屢建戰功為越後參河伊勢伊賀等守護為人兇殘賞罰任意諸將惡其所為會義詮犯吉野使義長以兵五百出陣西宮畠山國清亦率兵西上素嫉義長潛圖除之而義長欲自專功忌國清兵盛冀其敗斂已而國清破官軍還京師陰聚諸將謀殺義長及官軍攻響田城國清託

應援與諸將赴四天王寺議還攻義長義長聞之勒兵
自備恐義詮通意於國清與姪賴夏率兵護義詮第過
絕内外自為執事要求其書討國清清氏其夜義詮密
與佐佐木高氏謀蒙婦人服率親近數人間出側門馳
至西山將士聞之四散義長率殘兵東走至是遂降○
八月所在官軍並起京師繹騷人皆歸咎畠山國清國
清好以狐皮蔽腰時人惡之作狐妖歌譏之國清懼禍
及潛逃還鎌倉後為基氏所逐遂據伊豆修禪寺城叛
之戰敗走赴京畿戰死太平○九月詔征東將軍末良

親王率兵討敵以北海道凍李花十六年北朝

示年秋七月伊豆守山名時氏降美作八城但馬人長信

綱與阿保信禪應時氏兵勢大振○八月肥前守菊池

武光與松浦黨戰于飯盛山破走之又攻大友氏時少

貳賴尚大敗之太平○九月楠正儀和田正武擊佐佐

木氏詮于攝津斬之○冬十月細川清氏歸順後愚琳

記細川氏春徇淡路○十一月山名時氏拔倉懸城○

救前關白師基大納言藤原隆俊中納言藤原邦光刑

部卿石塔賴房相摸守細川清氏楠正儀和田正武等

大舉討足利義詮○十二月諸將並進佐佐木高秀今

川貞世等望風而走足利義詮奉新主走近江官軍入

京師焚義詮第赤松氏範由水路將犯行宮師基率諸

將旋軍義詮復入京師太平記貞世範國之子也後削髮

稱了俊系畠難著家訓世曰今川狀今川初細川清氏

之歸順也奏請發諸軍復京師帝召楠正儀議正儀對

曰元弘以還王師復京師者凡五多不假師徒所苦兵

力不繼故隨得隨失今欲取之不假清氏之力臣一人

願以辦之祇恐餘賊之不復能守也若耻棄之致戰則

舉今版圖所有併失之臣愚未見其可也帝不聽遂攻

京師克之至是果如其言○十七年北朝貞治元年春正月相

摸守細川清氏至阿波徇伊豫土佐讚岐○夏六月伊

豆守山名時氏分兵徇備前備中高師秀潰走○秋七

月細川清氏與細川賴之戰於讚岐白峰敗死伊豫土

佐阿波讚岐復陷太平記賴之賴春之子也源氏○八月

左馬頭楠正儀和泉守和田正武與佐佐木高氏兵戰

于神崎破走之○冬十一月近江湖洞○十九年北朝貞治

三山名時氏仁木義長石塔賴房並叛太平記○二十年

北朝貞治四年春正月前關白師基薨大承院○二十二年北朝

貞治六年春二月高麗承元主旨使使請禁我民侵掠其邊

境者足利義詮以為海賊所為難速勦捕竟不報牒○

為前年事今從○夏四月足利基氏卒基氏尊氏之子

也太平記正平四年為關東管領居鎌倉至是卒子氏滿

襲為管領上杉憲顯為執事喜連川○冬十二月足利

義詮卒太平記○二十三年北朝應安元年春三月帝崩于佳吉

殿北常三代記壽四十一葬觀心寺鳴嶺雜事記在位三十

一年政元者上曰興國正平皇子寬成立是為長慶天

皇

長慶天皇諱寬成後村上帝長子也系稿正平二十三

年三月後村上帝崩帝即位於行宮諸書不書即位蓋

此南遷以後記載不備今無所攷以皇弟熙成親王為皇太弟新集嘉喜門

院集○秋七月左近衛少將新田義宗式部大輔脇屋義

治起兵越後上野與上杉憲將等戰不克義治走出羽

喜連川系稿○正平二十四年北朝應安元年春正月京師以足利

義滿為征夷大將軍北常三代記初義詮疾病使義滿聽政

慮其尚幼不堪負荷擇可付託者弟基氏薦細川賴之

為執事

後愚昧記細川家譜賴之記

當時實其得人

太平記

義詮臨終

謂賴之曰我遺一子於卿

幸能輔之又謂義滿曰我遺

一父於汝慎勿違其誨

細川家譜

賴之由是竭心輔導夙夜

匪勉至廢寢食選士之學行醇篤兼長武事者以充師

友日啓沃之雖隱逸之士苟可以資其匡益舉以置其

左右

賴之記臥雲日什錄義堂日工集

又著戒法五章以領示一時一

曰戒阿主好二曰戒掩親訐疎好誣陷仇家三曰戒不

善善不惡惡用愛憎是非人及外和柔而內實傾險外

濟泊而內實多欲自縱驕奢不拘禮法四曰戒無功邀

賞無才貪祿徇私忘公五曰戒動掠同列之美自冀進

用及受納賄賂妄薦非才凡人犯之者聽無貴賤親疎

互相告發告者則有賞書以授義滿師友以為標準同

寮人物賴之猶患姦邪之未息乃使覈者六人著禮服

異巾大刀與義滿及諸將士遊狎誼譴歌舞巧為迎合

名曰童坊又曰佞坊士大夫有類其行者則指為士童

坊眾辱之士大夫往往耻之折節者頗多諂諛之風大

改賴之

記○左兵衛督楠正儀降足利義滿

花管三代記

○夏

四月桃井直常拔松倉城○秋九月赤松則祐赤松光

範攻彈正少弼赤松氏範於攝津中島氏範兵敗奔四

天王寺

花管三代記

是歲河野通直復伊豫

豫章記

○建德元

年

北朝應安三年

○按新集集載後龜山帝御制和歌以歌意觀之似後龜山帝以是歲即位且本書序以

後醍醐後村上後龜山為三朝不以長慶帝列世春正

教尤可疑也然無他書可証今從三代記不輒改

月脇屋義治等出軍武藏上野與上杉朝房等戰不克

走信濃

喜連川系畠

○三月桃井直和軍越中與敵戰于長

澤死之餘眾潰散直和直常之子也○冬十一月和田

正武等攻楠正儀城

花管三代記

○二年

北朝應安四年

春二月肥

後府菊池武政與今川貞世戰于鎮西武政武光之子

也

花管三代記吉川家傳

○三月後光嚴院讓位於太子緒仁是

為後圓融院

後深心院關白記

○秋八月發兵討楠正儀細川

賴之援正儀初正儀之降義滿也義滿命還河內圖吉

野賴之請發諸國兵援之諸將以為正儀不能自保河

內而來矧南嚮乎必無利也義滿從之賴之卑言不行

辭職退居西山西芳寺義滿親臨起之遣其養子賴元

率兵援正儀諸軍屢敗王師

後深心院關白記

○文中元

年

北朝應安五年

春三月菊池武朝與今川貞世戰于肥後敗

之武朝

北朝應安六年

○二年足利義滿使細川氏春犯行在

代記 三 帝移蹕於吉野避之新集嘉喜門院集 ○秋八月帝傳

位於皇太弟代記 在位五年改元者二曰建德文中

皇太弟立是為後龜山天皇

後龜山天皇諱熙成後村上帝第二子也紹連 母嘉喜

門院王代 長慶帝即位立為皇太弟嘉喜門院集 文中二年

八月受禪於行宮代記 ○秋八月大納言藤原隆俊

屯于天野夜襲敵營不克死之北朝永僧絕海歸自明 煬嶺雜事記 ○天授二

年和二年 僧絕海歸自明漢合運 絕海者本鹿苑僧

善詩先是如明學禪太祖召見問熊野古祠勅令賦之

其詩曰熊野峰前徐福祠滿山藥草兩餘肥只今海上

波濤穩万里好風須早歸太祖賜和曰熊野峰高血食

祠松根琥珀亦應肥當年徐福求仙藥直到如今更不

歸稿 ○三年北朝永 秋八月征西將軍懷良親王與

大內義弘戰于鎮西敗績菊池族百餘人戰死後愚 ○

四年北朝永 秋九月征西將軍良成按占小帝王系 蜀

書稱後將軍 菊池武朝與今川貞世戰于訖磨原破之

菊池武朝武 ○冬十一月官軍討細川業秀不克足利義滿

遣將士援業秀官軍敗走 ○五年北朝康 春正月山名

義理山名氏清山名時義陷土九城○二月山名義理

等入紀伊陷藤浪及石垣城花營三代記○冬十一月河野

通直與細川賴之戰于伊豫敗死豫章記○六年北朝康

夏五月小山義政起兵下野與宇都宮基綱戰大破之

斬基綱花營三代記○弘和元年北朝永德元年冬十二月中

務卿宗良親王上新葉和歌集本書○是歲楠正儀歸

順按正儀歸順年月諸書無明文然據龜簡集所載康

時正儀尚在北朝又按三刀屋文書弘和二年閏正月

正儀山名氏清戰于平尾則此時正儀已歸順據此

正儀歸順在此歲○二年北朝永德二年閏正月左兵衛督楠

正儀與山名氏清戰于平尾敗績和漢合運三刀屋文書河內通法寺文書

左兵衛督據渡邊文書○三年北朝永德三年夏四月小山義政與足利

氏滿兵戰死之子若犬丸亡走鎌倉大草紙○是月後

圓融院讓位於太子幹仁是為後小松帝歷代皇紀

元中三年北朝至德三年夏六月小山若犬丸田村莊司則義

起兵各據其城○秋七月小山若犬丸田村則義與足

利氏滿戰于下總古河敗死喜連川系畠○九月赤松氏範

與足利義滿兵戰于播磨清水敗績氏範及子氏春家

則祐春秀則死之赤松系畠○四年北朝嘉慶元年春三月小田五

郎起兵常陸據穴戸男體城○五年北朝嘉慶二年上杉朝宗

陷男體城小田五郎死之喜連川系備○八年北朝明德二年冬十

二月山名氏清山名滿幸稱兵叛足利義滿義滿親討

之氏清滿幸敗死明德記○九年北朝明德三年冬閏十月帝與

京師講和傳三神器於後小松帝自足利尊氏立光明

帝易世五主至是五十七年南北始一統續神皇正統記

在位二十一年改元者三曰天授弘和元中

後小松天皇諱幹仁後圓融帝長子也母通陽門院大

曆永德三年十二月即位年六歲天祚元元明德三年

冬閏十月帝受三神器於十御門殿皇年代畧記續神皇正統記

十二月以征夷大將軍前右大臣足利義滿為左大臣

補朝鮮遣使來聘請修鄰好許之足利家譜是歲相模守

細川賴之卒源氏系賴之為人端厚有謀略好讀書作詩

歌系品家譜太輔導義滿聲績甚著明德記仕至從四位

下相模守義滿稍忌其權盛左右因離間之義滿益惑

之命罷其職遣還讚岐以斯波義將代之賴之深憾小

人之難退而大功不終立臨發改名常久賦詩言志曰

人生五十愧無功花木春過夏已中滿室蒼蠅掃難去

起尋禪榻卧清風義滿且遣兵討之自悔而止系苗花

記既而深思其功欲復相見及如嚴島命賴之具舟於

讚岐因過見之共至嚴島義滿嚴島諸記遂召還賴之以賴元

為執事命賴之參決親任如故天下人再望其治東寺長者

補任明及卒義滿惋惜親臨送葬又手寫佛經薦其冥

福德記懇惻切至聞者莫不感泣明德○四年夏四月後圓

融上皇殂年三十六皇代記續神○秋九月足利義滿

罷左大臣補任是歲義滿罷細川賴元再以斯波義將為

管領斯波應永元年春二月尊後龜山帝曰太上天

皇皇年代○夏六月以前左大臣藤原實時為太政大

臣○冬十一月関白師嗣罷以左大臣藤原經嗣為関

白○十二月前左大臣足利義滿罷征夷大將軍以左

近衛中將足利義持為征夷大將軍○太政大臣實時

罷以足利義滿為太政大臣○二年夏六月太政大臣

義滿罷以前右大臣源具通為太政大臣○三年春二

月具通罷補任○四年夏四月義滿因藤原公經西園寺

遺址構別莊於比山使諸國守護助役作三層閣得板

方一丈二尺為牀壁柱戶牖皆塗以金窮極土木既成

徙居之使其子義持居室町第足利家傳北山行是歲

少貳菊池千葉大村等作亂筑紫大内義弘擊平之應永

記 ○五年春正月崇光上皇殂年六十五椿葉記續神皇正統記

○三月関白經嗣罷以前関白師嗣為関白師嗣良基

之子也家號二條補師嗣子權大納言滿基初名道忠

至是義滿授以滿字更令名自後二條家世用足利氏

名一字以冠其名 ○秋八月朝鮮遣使來聘足利家譜 ○冬

十一月関東管領足利氏滿薨源氏子滿兼襲其職連

川系 ○六年夏四月関白師嗣罷以前関白經嗣為関

白 ○是冬大内義弘反以兵據和泉界浦上岐詮直起

尾張京極某起近江山各時清起丹波望風響應義滿

遣使招義弘義弘不從義滿親軍男山遣島山基國斯

波義將細川頼元將兵三万攻破之斬義弘遣兵討詮

直時清等悉平之時清氏清之子也時足利滿兼與義

弘通謀欲東西並舉攻京師出陣武藏國府聲言為義

滿聲援義滿謀知之間使約和授以足利莊滿兼乃罷

兵應永 ○七年春三月足利直冬卒于石見和漢合符足利系圖

直冬子冬氏為兵衛佐居備後世呼曰中國武衛家 ○

八年義滿遣僧祖阿商人肥富于明通好初文中中明

主三遣使求通商交市且禁我邦入擾邊路梗不通自

是信使不絕使皆以僧為之善鄰國○九年秋八月明

僧天倫來和漢合符善隣國室記○以左大臣藤原實冬為太政

大臣○十一年前太政大臣實時薨補○十二年義滿

罷斯波義將以斯波義重為管領斯波系畠○十五年春三

月行幸義滿北山第留十日棟業記北山行幸記○夏四月閏白

經嗣君以左大臣藤原忠嗣為閏白○五月前太政大

臣義滿薨年五十一稱鹿苑院足利家傳足利詔贈號太上皇義

持辭不受傳中分咏

外史氏曰孔子曰名與器不可以假人自源賴朝遙

執朝權朝廷大事皆取決鎌倉甚至廢置天子建兩

宗迭立之儀卒致元弘之亂及足利尊氏擁立天子

據京師以執大權公卿大臣皆仰其鼻息逮至義滿

驕潛滋其殆擬王室其薨也朝廷贈以太上皇之號

陵替之甚自古未之有也設令義持受之朝廷幾先

名器而失之矣幸而義持不受能守臣子之分使姦

宄絕覬覦之心厥後天下大亂干戈相踵然而世竟

無有請隧問鼎者至今箕籩不移神器無動朝廷之

尊方古如一嗚呼此神州之所以冠萬國者歟

尊氏義詮為治寬不戢下以臣跋扈動輒叛乱義滿襲

職脩飭軍政紀律嚴肅僭竊之徒悉皆懾侯焉參取應永記明

德記賴之記難太平記大意初久我氏世為淳和獎學兩院別當源

氏長者至義滿始補之補任足利家傳足利氏世崇禪教至義

滿滋盛始置僧錄造鹿苑院寶幢寺又創相國寺令諸

國守護助後規制宏麗當時無比禪林諸祖傳相初尊國寺供養記

代行事沿用賴朝之制至義滿其法益備云足利家傳

記梅松論○春月南蠻貢黑象孔雀鸚鵡和漢合符若

六年春二月關白忠嗣薨○三月以內大臣藤原滿基

為關白○秋七月以權大納言足利義持為內大臣○

十七年冬十二月關白左大臣滿基薨以前關白經嗣

為關白補任○十八年明主遣使來聘至攝津武庫却之

如是院○十九年夏六月南蠻遣使朝貢治州守○秋

八月帝傳位於躬仁親王椿兼記在位二十九年改元

者五曰至德嘉慶康應明德應永躬仁親王立是為稱

光天皇

跋

家君之在水府也訂正國史預修諸志又嘗通覽全史考其出典擷其精華撮其大要著史略十二卷以便初學上自正史下至稗官野乘數千年間貫穿包括搜蒐無遺而本史所逸率皆收錄家君之於斯書其用心可謂至矣而人或以剽竊譏之豈知斯書者哉亦豈知國史者哉夫有正史斯有紀略所以貴提其要也且斯書一以本史為準而其記事少異者史畧之體不

得不爾則史書之體分紀傳而史畧則編年
體裁各異以是病之則史畧之書可盡廢也斯
書起艸於文政五年三月至明年三月竣功是
歲家君奉命移家江戸即獻之我
上公公大嘉賞賜名曰皇朝史畧并欲公諸同
志刻之家塾以省繕寫之勞因記其梗槩以為
之跋

文政丙戌秋九月

男延光謹書